

Navgrah Chalisa

दोह

श्री गणपति गुरुपद कमल, प्रेम सहित सिरनाय
नवग्रह चालीसा कहत, शारद होत सहाय ॥
जय जय रवि शशि सोम बुध, जय गुरु भृगु शनि राज
जयति राहु अरु केतु ग्रह, करहु अनुग्रह आज ॥

चौपाई

श्री सूर्य स्तुति

प्रथमहि रवि कहँ नावौ माथा
करहुं कृपा जनि जानि अनाथा ॥
हे आदित्य दिवाकर भानू
मैं मति मन्द महा अज्ञानू ॥
अब निज जन कहँ हरहु कलेशा
दिनकर द्वादश रूप दिनेशा ॥
नमो भास्कर सूर्य प्रभाकर
अर्क मित्र अघ मोघ क्षमाकर ॥

श्री चन्द्र स्तुति

शशि मयंक रजनीपति स्वामी
चन्द्र कलानिधि नमो नमामि ॥
राकापति हिमांशु राकेशा
प्रणवत जन तन हरहुं कलेशा ॥
सोम इन्दु विधु शान्ति सुधाकर
शीत रश्मि औषधि निशाकर ॥
तुम्हीं शोभित सुन्दर भाल महेशा
शरण शरण जन हरहुं कलेशा ॥

श्री मङ्गल स्तुति

जय जय जय मङ्गल सुखदाता
लोहित भौमादिक विख्याता ॥

अंगारक कुज रुज ऋणहारी
करहु दया यही विनय हमारी ॥

हे महिसुत छितिसुत सुखराशी
लोहिताङ्ग जय जन अघनाशी ॥

अगम अमङ्गल अब हर लीजै
सकल मनोरथ पूरण कीजै ॥

श्री बुध स्तुति

जय शशि नन्दन बुध महाराजा
करहु सकल जन कहँ शुभ काजा ॥

दीजैबुद्धि बल सुमति सुजाना
कठिन कष्ट हरि करि कल्याणा ॥

हे तारासुत रोहिणी नन्दन
चन्द्रसुवन दुख द्वन्द्व निकन्दन ॥

पूजहु आस दास कहु स्वामी
प्रणत पाल प्रभु नमो नमामी ॥

श्री बृहस्पति स्तुति

जयति जयति जय श्री गुरुदेवा
करोँ सदा तुम्हरी प्रभु सेवा ॥

देवाचार्य तुम देव गुरु ज्ञानी
इन्द्र पुरोहित विद्यादानी ॥

वाचस्पति बागीश उदारा
जीव बृहस्पति नाम तुम्हारा ॥

विद्या सिन्धु अंगिरा नामा
करहु सकल विधि पूरण कामा ॥

श्री शुक्र स्तुति

शुक्र देव पद तल जल जाता
दास निरन्तन ध्यान लगाता ॥

हे उशना भार्गव भृगु नन्दन
दैत्य पुरोहित दुष्ट निकन्दन ॥

भृगुकुल भूषण दूषण हारी
हरहु नेष्ट ग्रह करहु सुखारी ॥

तुहि द्विजबर जोशी सिरताजा
नर शरीर के तुमहीं राजा ॥

श्री शनि स्तुति

जय श्री शनिदेव रवि नन्दन
जय कृष्णो सौरी जगवन्दन ॥

पिंगल मन्द रौद्र यम नामा
वप्र आदि कोणस्थ ललामा ॥

वक्र दृष्टि पिप्पल तन साजा
क्षण महँ करत रंक क्षण राजा ॥

ललत स्वर्ण पद करत निहाला
हरहु विपत्ति छाया के लाला ॥

श्री राहु स्तुति

जय जय राहु गगन प्रविसइया
तुमही चन्द्र आदित्य ग्रसइया ॥

रवि शशि अरि स्वर्भानु धारा
शिखी आदि बहु नाम तुम्हारा ॥

सैहिकेय तुम निशाचर राजा
अर्धकाय जग राखहु लाजा ॥

यदि ग्रह समय पाय कहि आवहु
सदा शान्ति और सुख उपजावहु ॥

श्री केतु स्तुति

जय श्री केतु कठिन दुखहारी
करहु सुजन हित मंगलकारी ॥

ध्वजयुत रुण्ड रूप विकराला
घोर रौद्रतन अघमन काला ॥

शिखी तारिका ग्रह बलवान
महा प्रताप न तेज ठिकाना ॥

वाहन मीन महा शुभकारी
दीजै शान्ति दया उर धारी ॥

नवग्रह शान्ति फल

तीरथराज प्रयाग सुपासा
बसै राम के सुन्दर दासा ॥
ककरा ग्रामहि पुरे-तिवारी
दुर्वासाश्रम जन दुख हारी ॥

नव-ग्रह शान्ति लिख्यो सुख हेतु
जन तन कष्ट उतारण सेतू ॥
जो नित पाठ करै चित लावै
सब सुख भोगि परम पद पावै ॥

दोहा

धन्य नवग्रह देव प्रभु, महिमा अगम अपार
चित नव मंगल मोद गृह, जगत जनन सुखद्वार ॥

यह चालीसा नवग्रह, विरचित सुन्दरदास
पढ़त प्रेम सुत बढ़त सुख, सर्वानन्द हुलास ॥